

წარმატებული საქმე

საიას რუსთავის ოფისის დახმარებით ოჯახში ძალადობის მსხვერპლი ქალის საქმე წარმატებით დასრულდა



საია-ს რუსთავის ოფისი იცავდა დაზარალებული ქალის ინტერესებს, რომელიც წლების მანძილზე იყო მეუღლის მხრიდან სისტემური ძალადობისა (ფსიქოლოგიური, ეკონომიკური, ფიზიკური) და მუქარის მსხვერპლი. რუსთავის საქალაქო სასამართლომ ქალთა წინააღმდეგ ძალადობისა და ოჯახში ძალადობის აღკვეთისა და პრევენციის შესახებ ევროპის საბჭოს კონვენციის („სტამბოლის კონვენცია“) რეკომენდაციებზე მითითებით, დაადგინა განაჩენი, შედეგად, ბრალდებულს განუსაზღვრა თავისუფლების აღკვეთა 2 (ორი) წლის ვადით.



საქართველოს ახალგაზრდა იურისტთა ასოციაცია

საიას რუსთავის ოფისის დახმარებით ოჯახში ძალადობის მსხვერპლი ქალის საქმე წარმატებით დასრულდა

საია-ს რუსთავის ოფისი იცავდა დაზარალებული ქალის ინტერესებს, რომელიც წლების მანძილზე იყო მეუღლის მხრიდან სისტემური ძალადობისა (ფსიქოლოგიური, ეკონომიკური, ფიზიკური) და მუქარის მსხვერპლი.

სისხლის სამართლის საქმის გამოძიების ეტაპზე რამდენჯერმე გამოიკითხა დაზარალებული. გამოკითხვისას მსხვერპლმა ქალმა დააფიქსირა, რომ ბრალდებული წლების მანძილზე ძალადობდა მასზე ფსიქოლოგიურად, მუდმივად იყო შეურაცხყოფის, ეკონომიკური ძალადობის, მანტაჟისა და დამცირების მსხვერპლი. ბრალდებული მსხვერპლ ქალს გამუდმებით ამყოფებდა სტრესულ პირობებში, უკონტროლებდა სახლში მისვლის დროს და სოციალურ ქსელს. ასევე, მოძალადის მხრიდან წარსულში ადგილი ჰქონდა ფიზიკური ძალადობის ფაქტსაც, მაგრამ აღნიშნული ძალადობის გამო

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



დაზარალებულს პოლიციისთვის არ მიუმართავს და არც გამოძიების ეტაპზე პირველი გამოკითხვების დროს არ დაუფიქსირებია.

გამოძიების შედეგად მოძალადე ვაცს ბრალდება წარედგინა საქართველოს სსკ-ის 1261-ე მუხლის მე-2 ნაწილის „ბ“ ქვეპუნქტით (ოჯახის ერთი წევრის მიერ ოჯახის სხვა წევრის მიმართ ძალადობა, ჩადენილი არასრულწლოვნის თანდასწრებით მისივე ოჯახის წევრის მიმართ, გენდერის ნიშნით, შეუწყნარებლობის მოტივით) და სსკ-ის 111-151-ე მუხლის მე-2 ნაწილის „დ“ ქვეპუნქტით (სიცოცხლის მოსპობის მუქარა ჩადენილი გენდერის ნიშნით, შეუწყნარებლობის მოტივით) გათვალისწინებული დანაშაულის ჩადენაში.

რუსთავის საქალაქო სასამართლომ ქალთა წინააღმდეგ ძალადობისა და ოჯახში ძალადობის აღკვეთისა და პრევენციის შესახებ ევროპის საბჭოს კონვენციის („სტამბოლის კონვენცია“) რეკომენდაციაზე მითითებით, დაადგინა განაჩენი, შედეგად, ბრალდებულს განუსაზღვრა თავისუფლების აღკვეთა 2 (ორი) წლის ვადით.